



**НИЙСЛЭЛИЙН
ЭРҮҮЛ МЭНДИЙН ГАЗРЫН ДАРГЫН
АЛБАН ДААЛГАВАР**

2021 оны 02 сарын 15 өдөр

Дугаар 02

Улаанбаатар хот

Коронавирусын халдвараас сэргийлэх
ажлыг эрчимжүүлэх тухай

Сүүлийн үед Монгол улсын хэмжээнд зөвхөн Улаанбаатар хотод халдварын тохиолдол бүртгэгдэж байна. 2021 оны 1-р сарын 11-нээс бүх нийтийн бэлэн байдлын зэргийг бууруулснаас хойш шинээр бүртгэгдсэн тохиолдлын тоо тогтвортой нэмэгдэж нэг халдвартай хүн цааш халдварлуулах хүний дундаж тоо 1.2 болж (өмнөх долоо хоногт $Re = 1 (0.66 - 2)$ нэмэгдсэн, өсөлтийн хурд 6.1% байгаа нь нийслэлд халдварын тоо цаашид нэмэгдэх хандлагатай байгааг харуулж байна.

Мөн манай улсын хэмжээнд бүртгэгдсэн Коронавируст халдвар (КОВИД-19)-ын өвчлөлийн 152 буюу нийт халдварын 7.6% (өнгөрсөн долоо хоногт 8.2%)-ийг эрүүл мэндийн ажилтнуудын өвчлөл эзэлж байгаа ба үүнээс эмнэлгийн тусламж, үйлчилгээтэй холбоотой халдвар 82%-ийг эзэлж байна.

Иймээс эрүүл мэндийн ажилчдыг халдварын эрсдэлээс сэргийлэх, тусламж үйлчилгээг халдвар хамгааллын тусгай дэглэмд үзүүлэх, тусламж үйлчилгээний тасралтгүй, шуурхай байдлыг хангах, иргэдэд чиглэсэн мэдээлэл, сурталчилгааг эрчимжүүлэх зорилгоор ДААЛГАХ нь:

Нэг. Харьяа байгууллагын дарга нарт:

1.1 Халдварын батлагдсан тохиолдлын тоо, нэг халдвартай хүний цааш халдварлуулах дундаж тоо нэмэгдэж байгаагаас гадна халдварын голомт, хавьтал дагасан “Нэг иргэн-нэг шинжилгээ” өргөтгөсөн шинжилгээг 2 дугаар сарын 11-ны өдрөөс хийж эхэлсэнтэй холбогдуулан тохиолдлын тоо ихсэх магадлалтай тул хэвтүүлэн эмчлэх орны болон хүний нөөцийн хувиарлалтыг шинэчлэн бэлэн байдлыг хангах,

1.2 Хэвтүүлэн эмчлэх ор бүхий эмнэлгүүд шинээр ирсэн өвчтөнийг эмчилгээний тасагт шилжүүлэхээс өмнө урьдчилан бэлтгэсэн тусгаарлан ажиглах түр тасагт хэвтүүлэн эмчилгээ оношлогоог шууд эхлэх, шинжилгээний хариуг хүлээх хугацаанд эмчилгээг таслахгүй байх, яаралтай ажилбар, хагалгаа, оношлогоог холбогдох тушаал, шийдвэр, заавар журмын дагуу халдвар хамгааллын өндөржүүлсэн дэглэм баримтлан үзүүлэх, коронавирусын халдвартай иргэдийг ХӨСҮТ ирж автал түр байрлуулан эмчилгээ үйлчилгээг шуурхай үзүүлэх,

1.3 Шинээр бүртгэгдсэн тохиолдлын тоо нэмэгдэх үед зөвхөн батлагдсан тохиолдлыг эмнэлэгт хэвтүүлэн, ойрын хавьталыг тусгаарлан ажиглах зөвлөмжийг мөрдөн эмчлэх тул коронавирусын халдварын хөнгөн болон дунд зэргийн өвчлөлтэй

иргэдийн эмчилгээ, хяналтын талаар өрхийн эмч мэргэжилтэнүүдийг давтан сургах, арга зүйгээр хангах, үйл ажиллагаандаа зайн оношлогоо, цахим технологийг ашиглах,

1.4 Улаанбаатар хотын нутаг дэвсгэрт халдварын тархалт идэвхтэй байгаа тул өөрийн дүүрэг, нутаг дэвсгэрт үйл ажиллагаа явуулж буй аж ахуйн нэгж, байгууллага, хүнс худалдааны зах, дэлгүүр зэрэг хүн ам олноор цугларч буй газруудад цэвэрлэгээ, халдваргүйтгэл, агааржуулалт, агаар сэлгэлтийг сайтар хийх, хүн хоорондын зай барих, бүх хүн амны хаалттай байх, гарын ариун цэвэр сайтар сахих зэрэг иргэдэд чиглэсэн мэдээлэл, сурталчилгааг эрчимжүүлж өөрийн байгууллагын цахим хуудас, сошиал, хэвлэл мэдээллийн хэрэгсэлээр мэдээллийг хүргэж сэрэмжлүүлэх. Мөн ковид халдварын эрсдэлээс сэргийлэх амьдралын шинэ хэвийг нутагшуулахад санаачлагатай ажиллах,

1.5 Эмнэлзүйн хүнд болон маш хүнд тохиолдлууд нэмэгдэж байгаа нь нас барах эрсдэл нэмэгдэж байгааг харуулж байгаа тул эмнэлгийн тусламж үйлчилгээг сайжруулах, бэлэн байдлыг хангах, шаардлагатай тоног төхөөрөмжийн эмнэл зүйн ач холбогдолыг сайтар мэдээлж хангалт, хэрэглээ, ашиглалтыг нэмэгдүүлэх,

1.6 Эмнэлзүйн хүнд, маш хүнд тохиолдлууд нэмэгдэх хандлагатай байгаа нь эрүүл мэндийн ажилтан халдвар авах, өвчлөх эрсдэл улам бүр нэмэгдэж байгааг анхаарч халдварын хяналт, сэргийлэлтийн дэглэмийг сайтар хэрэгжүүлэх, хяналтыг чангатгах. Ажилчдад үүсэх туйлдлын хам шинж (Syndrom Burn-out)-ээс сэргийлж тусламж үйлчилгээний багт ур чадвар дутах эрсдэл үүсгэлгүйгээр эрсдлээс сэргийлэх удирдлага хэрэгжүүлэх,

1.7 Эмнэлэг хооронд өвчтөн, сахиурыг шилжүүлэх, эмнэлзүйн эрэмбэлэн ангилалтанд сайн үр дүн авчрах халдвар хамгаалал, үйлчилгээ, хандлагын шинэ зохион байгуулалтыг хэрэгжүүлэх,

1.8 Эргэлтийн үйл ажиллагааг зөв зохицуулж, сахиур солихгүй байх, сахиуруудыг халдвар хамгааллын дэглэм сахих, бусад өрөө тасалгаагаар сэлгүүцэхгүй байхыг онцгойлон анхааруулах,

1.9 Эмнэлгийн ажилчдын тасаг нэгж хоорондын хөдөлгөөнийг хязгаарлах, хувцасны, үзлэгийн, албан өрөөнд халдвар хамгаалал, сийрэгжүүлэлт, зай барих, амны хаалтны хэрэглээг тогтмолжуулж, камерын хяналтыг хийж хадгалан сургалтад ашиглах,архивлах

Хоёр. Эмч, эмнэлгийн мэргэжилтэн, ажилтан, албан хаагч нарт:

2.1 Коронавирусын халдварт өртсөн эмнэлгийн мэргэжилтэний 80-аас дээш хувь нь тусламж үйлчилгээтэй холбоотойгоор халдвар авсан байгаа тул халдварын эрсдэлээс өөрийгөө, гэр бүлээ болон мэргэжил нэгтнээ хамгаалах зорилгоор халдвар хамгааллын дэглэмийг ажлын байрандаа, гэртээ тогтмол, чанд мөрдөж ажиллах,

2.2 Халдвар авсан эмнэлгийн ажилтан бусдад халдвар тараах эрсдэл өндөр тул хувийн гуйлтаар айл өрх, хувь хүнд тусламж үйлчилгээ үзүүлэхгүй байх, олон нийтийн газраар зорчихгүй байх,

2.3 Эрүүл мэндийн ажилтан нь нэг дор олон хүнд тусламж үйлчилгээ үзүүлдэг учраас ажлын байранд хувийн хамгаалах хэрэгслийг зохих стандарт, заавар, журмын дагуу тогтмол зөв хэрэглэх, зөв тайлах, зөв устгах, ажилбар бүрийн өмнө, дараа гар халдваргүйтгэлийг байнга хийж хэвших,

2.4 Эрүүл мэндийн байгууллага нь халдварын эрсдэл өндөртэй орчин тул гэр бүлээ эрсдэлээс сэргийлэн гадуур өмссөн хувцсаа гэртээ өмсөхгүй байх, ахуйн хэрэглээний зүйлсээ тусдаа байлгах, шаардлагатай бол амны хаалт зүүж өөрийгөө тусгаарлах, халдваргүйтгэл, агаар сэлгэлтийг тогтмол цагт хийх,

Дээрхи албан даалгаврын хэрэгжилтийг ханган ажиллаж, тайланг 2021 оны 03 дугаар сарын 01-ний өдрийн дотор Эмнэлгийн тусламжийн хэлтэст ирүүлнэ үү.

ДАРГА



Б.БЯМБАДОРЖ